



Bosna i Hercegovina  
Federacija Bosne i Hercegovine  
Kanton Sarajevo - Grad Sarajevo  
**OPĆINA CENTAR SARAJEVO**  
**Općinski načelnik**

---

Na osnovu čl. 25. i 74. Statuta Općine Centar Sarajevo – prečišćen tekst («Službene novine Kantona Sarajevo», broj 23/04) i člana 5. Odluke o dodjeli sredstava iz granta za mobilnost mladih Općine Centar Sarajevo broj:09/C-11-321/20 od 16.01.2020.godine Općinski načelnik upućuje

## **JAVNI POZIV**

### **za dodjelu sredstava iz granta mobilnost mladih Općine Centar Sarajevo za 2020. godinu.**

#### **1. PRAVO PRIJAVE MOGU OSTVARITI:**

Pojedinci učenici i studenti, aktivisti, volonteri nevladinih i humanitarnih organizacija uz ispunjavanje sljedećih uslova:

- a) da imaju prebivalište na području općine Centar Sarajevo;
- b) da su starosne dobi između 15 i 30 godina.

#### **2. NAČIN DODJELE NOVČANIH SREDSTAVA**

Novčana sredstva za mobilnost dodjeljivat će se za finansiranje troškova putovanja (troškovi goriva, autobuske, avionske ili druge putne karte), kotizacije, boravka (smještaj i hrana) i vize za odlazak pojedinaca na razne edukacije, radionice, seminare i treninge, konferencije, konvencije, kongrese, takmičenja, na stručna usavršavanja i slične skupove.

Iznos sredstava koji se može dodjeliti u jednoj godini za jednu osobu iznosi:

- a) do 300,00 KM za troškove unutar Bosne i Hercegovine;
- b) do 500,00 KM za troškove u zemljama regiona (Hrvatska, Srbija, Slovenija, Sjeverna Makedonija, Albanija, Kosovo i Crna Gora);
- c) do 700,00 KM za troškove u ostalim nepomenutim zemljama;

Za aktivnosti koje se održavaju u Kantonu Sarajevo, Općina će finansirati samo troškove kotizacije.

Sredstva iz granta za mobilnost neće se izdvajati za troškove učešća i putovanja na stranačke treninge, konferencije i kampanje, niti bilo koje aktivnosti u i van Bosne i Hercegovine, a koje organizuje domaće i inostrane političke stranke.

### 3. POTREBNA DOKUMENTACIJA

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije):

- a) CIPS prijava o mjestu prebivališta za osobe koje će učestvovati u određenoj aktivnosti (ne starija od 6 mjeseci);
- b) Dokaz o učešću na edukaciji, seminaru, treningu, konferenciji, takmičenju i sl.;
- c) Motivaciono pismo za učešće u aktivnosti;
- d) Dokaz o ostvarenim rezultatima na kantonalnom, federalnom, državnom i međunarodnom takmičenju (ako se sredstva dodjeljuju za odlazak na takmičenja)
- e) Dokaz da organizator aktivnosti ne pokriva putne troškove, troškove kotizacije, troškove vize i druge troškove.

Zahtjev sa dokumentacijom se podnosi Službi za boračko-invalidsku, socijalnu zaštitu i društvene djelatnosti – Odsjek za društvene djelatnosti putem pošte ili na protokol Općine Centar Sarajevo ulica Mis Irbina 1.

Zahtjev se podnosi najmanje petnaest dana prije odlaska na aktivnost koja se finansira i može se aplicirati samo jednom u toku kalendarske godine, osim u izuzetnim slučajevima kada je drugi zahtjev opravdan, a sredstva nisu utrošena.

Za sve dodatne informacije zainteresovana lica mogu pozvati broj telefona 033/562-474.

Javni poziv će biti otvoren tokom cijele 2020. godine, odnosno do utroška sredstava za ovu namjenu.